



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

DCIX. Kurfürst Joachim bestätigt die in der Altstadt Salzwedel getroffene  
Rathswahl, am 21. November 1517.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

vorreichen lassen. Darzw soll vnns, vnfern erben vnd nachkomen auff denselben wassern die vische-  
rey vnd alle ander vnser obrigkeit auch vorbehalten sein; doch was der moller darfelb je zu zeit-  
ten In dem wasser fischen zu seiner notturft, wie von alters gescheen, alles vngeuerlich. Zu ur-  
kunt etc. Datum kohn an der Sprew, dinstags nach Bonifacij, Christi geburt taussent funfhundert  
vnd darnach Im Sechzehendem Jahre.

Nach dem Churm. Lehnscopialbuche XXXIII, 220.

DCVIII. Kurfürst Joachim bestätigt die von der Altstadt Salzwedel getroffene Rathswahl,  
am 23. November 1516.

Wyr Joachim, von gots gnaden Marggraue zu Brandenburg vnd churfurst, zu  
Stettin, pommern etc. Hertzog, Burggraue zu Normberg vnd furst zu Rugen, Entbieten euch vn-  
seren lieben getrewen Burgermeistern vnd rathmannen vnser Alten Stath Soltwedel vnfern grus  
zuoorn. Als Ir vnns dann ytzt geschriben vnd vertzeichent vberfant, welche Ir dits zukommende  
Jare zu Burgermeistere vnd Rathmannen bei euch an ewer stat bei ewern pflichten gekoren, haben  
wir sampt ewer bet, euch die zu Confirmiren vnd zubestettigen, vernomen. Demnach Confirmiren  
vnd bestettigen wir euch dise hienach geschribne mit nahmen Dietrich Chuden vnd Hoyer witten-  
kopp zu Burgermeistere, Hinrick milges, Harme gartze, Hans Rademyn, Claus Lie-  
sten, Dittrick Brun, Benedictus vyztelberg vnd Hennygk woleman zu Rathmannen, mit Ernstem fleis  
begernde, Ir wollet dieselben dits zukommende Jar vor Burgermeistere vnd Rathmann halten, Inen  
auch von vnfern vnd vnser Herrschafft wegen In allen zimlichen dingen gefolig vnd gehorsam  
sein vnd auch solichs Allen eweren mitburgern zu thun vnd zuhalten Ernstlich beuelhen, wie wir  
vns dann des von euch vnd Inen bei vermeidung vnser straff vnd vgenad zugescheen gentslich  
verlassen wollen. Datum mit vnserm zuruckvffgedrucktem Secret besigelt zu tangermundt, am  
Sontag nach Cecilie virginis, Anno XV. decimo sexto.

Nach dem Originale des Salzw. Archives XXXI, 117.

DCIX. Kurfürst Joachim bestätigt die in der Altstadt Salzwedel getroffene Rathswahl,  
am 21. November 1517.

Wir Joachim, von gottes gnaden Marggraff zu Brandenburg vnd kurfurst etc., zu  
Stettin, pommern etc. hertzog, Burggraff zu Nurnberg vnd furst zu Rugen, Embieten euch Burger-  
meistern vnd Rathman vnser altenstadt zu Soltwedell vnfern grus zuoorn, lieben getrewen. Als  
ir vns verzeichent vberfant habt, welch ir bey ewern eiden an ewer statt dyts zucomende Jar  
widerumb zu Burgermeister vnd rathman gekorn, haben wir zusampt ewerm betlichen ansuchen,

euch die zu confirmiren, vernomen. Demnach setzen, bestettigen vnd confirmiren wir euch dise hirnachgeschryben myt namen werner schermer vnd hanßen Barteldes zu Burgermeister vnd Hoyer wittekop, Diderick bock, Hanßen Mechow, hinrick turitze, Hanßen rademyn, Diderick Brun, Benedictus wintzelberg vnd hennyng woleman zu Rathman, vnd Begern von euch, Das ir die selbige dytz zukomende Jar vor Burgermeister vnd Rathman halt vnd Inen in allen zymlichen sachen von vns vnd vnser herschafft wegen gehorsam sein, Sollichs auch allen vnsern Burgeren bey euch ernstlich zuhalten gebieten, bey vnser Schweren Straff vnd vngnad. Zu yrkunt mit vnserm zuruck-auffgetructen Secret versigelt vnd geben zu koln an der Sprew, Am sonnabent nach Elifabeth Anno etc. XV<sup>o</sup>. XVII.

Nach dem Originale des Salz. Archives XXXI, 118.

DCX. Der Rath zu Salzwedel gewährt denen von Gerstedt einen Holztag,  
am 25. Januar 1517.

Anno etc. XVII, Sondage Conuersionis pauli, geuen vnd vorgunden de Rede beider Stede den van Gerstede, kleyne vnd groet, eynen dach tohowende vnd toforende werueten Holt vnd nicht anders, So dat me In natiden sie wider vnd nicht anders Holt geuen schal vnd will In andacht tobholdende.

Nach der Urschrift im Salz. Archiv VIII, 3.

DCXI. Geske Vlotwedel verschreibt dem Annenkloster in Salzwedel ein Legat, i. J. 1517.

Ik Geske vlotwedels, Direk vlotwedels naghelaten wedewe, bekenne in kraft vnd bewis dusses breues, dat yk na antal lenicheit vnd allir meyst vmme myner armen zelen vordenst vnd falicheit hebbe ghemaket, ordinert vnd gheset en Testament, in wat testament hebbe yk deme Closter tho Sunte Annen bynnen soltwedel den Juncfrowen geuen X mark lubisch vor ene milde almiffen jarlike rente, vpthoborende van mynen Testamentarien na mineme dode, Szo als dar ys berort in myneme testament. Vp den, dat de Juncfrowe des vorgheuanten Closters moghen syn mer vorfekert vnd se vliigher got den heren vor my vnd mynen hufsheren moghen vnd willen bidden, Szo geue yk geske, vorberort, tho groter orkunt vnd warheyt dat bewis, myt mines zelighen dirkes vlotwedels, in got vorstoruen, Hufwerde Inghesghel henghende benedden an dussen bref in deme Jare vnser Heren deme sceref duzent vifhundert vnd Souenteyne.

Nach dem Originale des Salz. Archives XXXVII, 21.